

03 Alli Rolle verteilt

Musik: Oliver Herzog, Manuel Wülser, DJ CUToo
Text: Turescht

1. Part:

lug, ich weiss s'isch hart im game
nur bisch nid im bild gsi, willd usem rahme gheisch
dasch falsche fame, du spassvogel
wennd nachem tüüfel rüefsch, chunnter ahgfloge
hesch de arsch offe? machen zue, es zieht!
d'chatz im sack? guete deal, lueg ich liebs
nimms für bari münze, party hymne
sind viel nid meh wert als stasi-fründe
ich gib ein finger, du läcksch di ganz hand
läbsch wie d'made im späck, die ganz sach
isch ussichtslos wie stei z'liebe
und ein schneehaas macht no kein winter
dasch de zeigfinger, parts as mic bringe
harti rhymes spitte, spasste hei schicke
kein witz, das isch die heiligi schrift
und mit gold im muul meine nid grillz

Hook: (2x)

**d'ziit lauft – und mir folged vereint
bis jetz hemmer alli rolle verteilt, doch
„times up!“ – ich zeige mis gsicht
zeige wies isch – so dasses keine vergisst**

2. Part:

und solange s'iise im füür isch, gibi de löffel nid ab
ich mach öffentlich grad löcher id hand
ich gseh, din wäg führt öfter an rand
lug, s'wasser wird hert und d'maske isch weg
ich blib mich sälber, nur sich sälber sii
isch vill schwärer, als sich sälber
für sich sälber, es bitz z'ändre, verstohsch?
s'isch nid z'ändre, s'sind vill dämlech
s'isch vill farbig mit pinsel em arsch
nur hinder fassade fehlt de bilder e wand
isch das de strom, denn pissi in bach
doch solangs, so bliibt, trägi fichte en wald
s'isch wie en tanz um s'silbrige chalb
will de pinsel nid malt, sind d'bilder verblast
gib der e hand, muesch nüm steinli biige
will de räpper im huus spart s'reimli schriibe

03 Alli Rolle verteilt

Musik: Oliver Herzog, Manuel Wülser, DJ CUToo
Text: Turescht

Hook (2x)**3. Part:**

und trotz gliche inträsse, chasch die fiige nid prässe
ich känn min platz, muess mi mit spinner nid mässe
nid mit biege und bräche, mit schriibe und räppe
spiegel verbräche, innerlich bränne, kriise vergässe
gib en figg uf gimmicks und gängschter
je dicker d'fassade, desto riisiger d'schärbe
jede het ziil i sim läbe, piinlechi fähler
doch piinlechi fähler mached identitäte us
ich will fassadene bräche
druck raps uf beats, loh nid alles em näbel
s'chunnt alles vo härze, jedes lache und lätsche
bin ich sälber, keini falsche verspräche
das isch en part vo mim läbe
wasi mache und danke, wasi liebe und bin
es isch alles vergänglech, nur d'erinnerig bliibt
d'erinnerig a mich sälber hinderem film!

Hook (2x)